

皇
清
经
解

皇

清

經

解

皇清經解卷六百九十八

學海堂

大戴禮記補注

曲阜孔檢討廣森著

王言第三十九

孔子閒居曾子侍孔子曰參今之君子惟士與大夫之言之聞

也○開宋本訛開其至於君子之言者甚希矣於乎吾王言其

不出而死乎哀哉補不出而死言終身不得其人曾子起曰敢

問何謂王言孔子不應曾子懼肅然摳衣下席曰弟子知其不

孫也得夫子之閒也難是以敢問也補閒暇也曲禮曰少閒願

作孔子不應曾子懼退負序而立補序東西牆也堂上之牆曰

聞曰墉負序示不敢復問也文王世子曰凡侍坐序堂下之牆曰壁室中之牆

于大司成者遠近閒三席可以問終則負牆孔子曰參女可

語明王之道與○女音會子曰不敢以為足也得夫子之閒也

難是以敢問孔子曰居吾語女○宋本脫居字道者所以明德也

德者所以尊道也是故非德不尊非道不明雖有國馬不教不

服不可以取千里補周禮王馬六物種馬以駕玉路齊馬以駕金路道馬以駕象路戎馬以駕革路皆為國

馬其下有田馬駑馬○馬宋本訛焉舊本云里一作理雖有博地眾民不以其道治之不

可以霸王○道宋本訛地從大訓改是故昔者明王內脩七教外行三至七

教脩焉可以守三至行焉可以征七教不脩雖守不固三志不

行雖征不服是故明王之守也必折衝乎千里之外其征也祗

席之上還師補祗臥席也喻易是故內脩七教而上不勞外行三至而

財不費此之謂明王之道也會子曰敢問不費不勞可以為明

乎孔子愀然揚麋曰○舊本云麋一作眉按麋古眉字士冠禮眉壽萬年古文為麋壽參女以

明王為勞乎昔者舜左禹而右皋陶不下席而天下治補天道左陽而

右陰王者左德而右刑禹宅百揆故言左
臯陶作士故言右不下席所謂無爲而治
夫政之不中君之過

也政之既中令之不行職事者之罪也明王奚爲其勞也昔者

明王關譏而不征市鄽而不稅補鄭君王制注曰譏譏異服識
異言鄽市物邸舍稅其舍不稅

其物也廣森謂周禮門關有征凶札然後弛之左傳亦云宋公
以門賞彤班使食其征此言不征者遠法文王治岐之政猶論

爲邦取四稅十取一使民之力歲不過三日補雖豐歲城道之
役亦不過三日中

熟二日下熟一日入山澤以時有禁而無征補王制曰獮祭魚然後虞
人入澤梁草木黃落然後

入山林禁者禁非時舊本云一作此六者取財之路也明王

捨其四者補關市
山澤而節其二者補田稅
力役明王焉取其費也補無
取於

費故不殖財曾子曰敢問何謂七教孔子曰上敬老則下益孝上順

齒則下益悌上樂施則下益諒補施予也諒誠
也○樂音洛上親賢則下擇

友上好德則下不隱補不隱無蔽賢也○舊本
云一作上好德則下隱上惡貪則下恥

是書經卷之七 孔檢討大戴禮記補注 二

爭上強果則下廉恥民皆有別補強果謂勇於義也則政亦不勞矣補揚簡曰

上脩德而下自應是不勞則政宋本此謂七教七教者治民

之本也教定則正矣則宋本謬上者民之表也表正則何物

不正補表建木以測影者影隨表移民隨君化是故君先立於仁則大夫忠而士信

民敦工璞補玉未治曰璞喻質素也商慤女憧婦空空補憧愿也空空不識不知之貌七者

教之志也補志準也如射之有志之志敷教以七者為準七者布諸天下而不窳補窳不實

也春秋左傳曰大者不窳內諸尋常之室而不塞補八尺曰尋倍之曰常是故聖

人等之以禮立之以義行之以順而民弃惡也如灌補如灌猶傳言洒濯

其曾子曰弟子則不足道則至矣孔子曰參姑止又有焉昔者

明王之治民有法必別地以州之補管子曰羣萃而州處分屬而治之補

工記曰九分其國以然後賢民無所隱暴民無所伏使有司日

為九分九卿治之

省如時考之補如而也左氏春秋星隕如雨以如為而孟子望道而未之見以而為如古如而字皆通用記中甚

多各望歲誘賢焉則賢者親不肖者懼補誘進也○肖下宋本脫者脩从大訓及元木

增使之哀鰥寡養孤獨恤貧窮誘孝悌選賢舉能此七者脩則

四海之內無刑民矣補言七者以孝悌為二上之親下也如腹心則下之

親上也如保子之見慈母也上下之相親如此然後合則從施

則行補保子幼子在保抱者因民既適者說遠者來懷○說音悅下同然後布指

知寸布手知尺舒肘知尋補說文解字曰人手卻十分動脈為寸口十寸為尺中人手長八寸謂之

咫周尺也周制寸尺咫尋常勿諸度量皆以人之體為法小爾雅曰尋舒兩肱也十尋而索補索大繩也營國者

先視百步而堵補春秋公羊說八尺為板五板為堵則堵者五尋也此文似有誤三百步而里

千步而井補千步亦字誤韓詩外傳曰方里為一井廣三百步長三百步為一

畝三井而句烈三句烈而距補書大傳曰八家為鄰三鄰為朋三朋為里古者分田八家同井三

皇青經解 卷六 孔檢討大戴禮記補注 三

井一朋之田也三句烈補天子近五十里而封百里而有都邑郊五十里

遠郊百里封謂近郊之四疆溝封之也百里之外曰甸甸有都邑周禮以公邑之田任甸地是也春秋左傳曰凡邑有宗廟先

君之主曰都○乃為畜積衣裘焉使處者恤行者有與亡補言使居

封宋本譌對者畜積以待行客之有無周禮凡國野之道十里有廬廬有飲

食三十里有宿宿有路室路室有委五十里有市市有候館候館有積亦其事也○與宋

本譌興从大訓改亡音無是以蠻夷諸夏雖衣冠不同言語不合莫不來至朝覲於王故曰無市而民不乏無刑而民不違畢

弋田獵之得不以盈宮室也徵斂於百姓非以充府庫也補畢長楠

小網所以揜獸鄭君曲禮注曰府謂補憂怛以補不足禮節以捐

寶藏貨賄之處庫謂車馬兵甲之處補憂憂憂也九章曰傷余心之憂憂憂怛

有餘補若明博之事○憂宋本譌慢从大訓改故曰多信而寡貌

大訓無日字○其禮可守其信可復其跡可履其於信也如四時春秋冬夏補四時其博有萬民也如飢而食如渴而飲補民

喻有常補樂得

其上如飢渴之思飲食 下土之人信之若夫暑熱凍寒遠若邇非道邇也

及其明德也補楊簡曰暑則遠邇皆熱凍則遠邇皆寒明民信之無遠邇之異遠方非道邇也而民咸信之者明

德之所及也○夫上宋本脫若字从大訓增是以兵革不動而威用利不施而親補用

財用也 此之謂明王之守也折衝乎千里之外此之謂也會子曰

敢問何謂三至孔子曰至禮不讓而天下治至賞不費而天下

之士說至樂無聲而天下之民和明王篤行三至故天下之君

可得而知也天下之士可得而臣也天下之民可得而用也會

子曰敢問何謂也孔子曰昔者明王必盡知天下良士之名既

知其名又知其數既知其數又知其所在補明王之政鄉大夫以時獻賢能之書諸

侯又歲貢士于天子故盡知天下之良士○必宋本譌以从大訓改明王因天下之爵以尊天下

之士此之謂至禮不讓而天下治因天下之祿以富天下之士

此之謂至賞不費而天下之士說天下之士說則天下之明譽

興此之謂至樂無聲而天下之民和補戴震曰明譽猶顯譽也故曰所謂天

下之至仁者能合天下之至親者也所謂天下之至知者能用

天下之至和者也所謂天下之至明者能選天下之至良者也

此三者咸通然後可以征是故仁者莫大於愛人知者莫大於

知賢政者莫大於官賢有土之君脩此三者則四海之內拱而

俟然後可以征明王之所征必道之所廢者也被廢道而不行

然後誅其君致其征御覽引此文作弔其民而不奪其財也改其政與家語同

故曰明王之征也猶時雨也至則民說矣是故行施彌博得親

彌眾此之謂衽席之上乎還師

凡一千三百六十四字舊本篇末或記字數或否今悉補列以資校核

哀公問五義第四十

魯哀公問於孔子曰吾欲論吾國之士與之為政何如者取之

○為政荀子作治國孔子對曰生乎今之世志古之道居今之俗服古之

服舍此而為非者不亦鮮乎補楊倞曰此謂古也哀公曰然則今夫章甫

句屨紳帶而摺笏者此皆賢乎補楊倞曰章甫殷冠紳大帶也廣森按莊子履句屨者知地形

李頤注句方也○孔子曰否不必然今夫端衣玄裳冕而乘路

者志不在於食葷補端衣正幅裁之祛尺有二寸袂二尺有二寸凡冕服冠服皆端樂記曰端冕而聽古樂

論語曰端章甫是也唯弁服有侈袂半而益一此冕謂玄冕也齋戒之服楊倞曰路車之大者葷葱薤之屬也斬衰蘭

屨杖而歆粥者志不在於飲食補蘭草名似茅而滑韌希曰粥厚曰饘○荀子蘭作菅飲食作

酒故生乎今之世志古之道居今之俗服古之服舍此而為非

者雖有不亦鮮乎補楊倞曰言服被於外亦所以制其心也哀公曰善○戴氏校本云此下荀子

有孔子曰人有五儀有庸人有士有君子有賢人有大聖哀公曰敢問凡二十六字此文脫何如則可謂庸

人矣孔子對曰所謂庸人者口不能道善言而志不邑邑補邑邑憂

貌○荀子不能選賢人善士而託其身焉以為已憂補楊簡曰親近小人

故致憂患動行不知所務止立不知所定日選於物不知所貴從物

而流不知所歸五鑿為政心從而壞若此則可謂庸人矣補楊

鑿竅也五鑿謂耳目鼻口及心之竅也一曰五鑿五情也莊子六鑿相攘司馬彪云六情相攘奪廣森謂政主也春秋左傳曰

今日之事我為政○荀子動作勤立作交哀公曰善何如則可

而作如政作正鑿曹報反韓詩外傳作藏謂士矣孔子對曰所謂士者雖不能盡道術必有所由焉雖不

能盡善盡美必有所處焉補楊倞曰雖不能盡偏必循處其一

善盡美作偏美善是故知不務多而務審其所知行不務多而務審其

所由言不務多而務審其所謂知既知之行既由之言既順之

若夫性命肌膚之不可易也富貴不足以益貧賤不足以損若

此則可謂士矣荀子順作哀公曰善何如則可謂君子矣孔

子對曰所謂君子者躬行忠信其心不置仁義在己而不害不

知聞志廣博而色不伐思慮明達而辭不爭君子猶然如將可

及也而不可及也如此可謂君子矣補不害不知所謂人不知而不慍志記也伐矜也楊

諒曰猶然舒遲之貌○信永樂大典作節置宋本譌買从元本

改荀子云言忠信而心不德仁義在身而色不伐思慮明通而

辭不爭故猶然如哀公曰善敢問何如可謂賢人矣宋本孔

子對曰所謂賢人者好惡與民同情取舍與民同統荀子無

行中矩繩而不傷於本言足法於天下而不害於其身補楊諒

身也所謂言滿天下無口過行滿天下無怨惡○荀子矩作規害亦作傷躬為匹夫而不願富貴為

諸侯而無財躬讀為窮富字絕句願上宋本脫不字从文選

歸去來辭注引此文增荀子作富有天下而無怨

孔檢討大戴禮記補注

財布施天下 而不病貧 如此則可謂賢人矣哀公曰善敢問何如可謂聖

人矣孔子對曰所謂聖人者知通乎大道應變而不窮能測萬

物之情性者也 ○能測荀子作辨平易本 命注引此文字即多異 大道者所以變化而

凝成萬物者也情性也者所以理然不然取舍者也 補理謂條 理分別之

○荀子凝作遂 不下無然字 故其事大配乎天地參乎日月 ○荀子配作 辨參作明察雜

於雲蜺 補雜文也虹雌曰 蜺○荀子無此句 總要萬物 補楊倞曰總要猶統領也 物下荀子有於風雨三

字 穆穆純純其莫之能循若天之司莫之能職 補若順也司事 也職主也○職

音志荀子作繆繆肫肫其事不 可循若天之嗣其事不可識 百姓淡然不知其善 補孟子曰 民日遷善

而不知為之者○荀子淡 作淺善作鄰不大興作莫 若此則可謂聖人矣哀公曰善孔子

出哀公送之 ○荀子無 末七字

凡六百三十九字 今補

哀公問於孔子第四十一

哀公問於孔子曰大禮何如君子之言禮何其尊也孔子曰

也小人何足以知禮

補鄭君曰謙不答也何小戴記作不

君曰否吾子言之也

孔子曰丘聞之也民之所由生禮為大非禮無以節事天地之

神明也

○小戴記無明字

非禮無以辨君臣上下長幼之位也非禮無

以別男女父子兄弟之親昏姻疏數之交也君子以此之為尊

敬

補鄭君曰言君子以此故尊禮○數音促敬下小戴記有然字宋本亦同从元本刪凡篇中字與小戴異者後人或据彼

文妄改今皆核定復其舊云

夫然後以其所能教百姓不廢其會節

補王肅曰所能

謂禮也會謂男女之會節謂親疏之節

有成事然後治其雕鏤

文章黼黻以嗣

補成事行之有成也爾雅曰玉謂之雕金謂之鏤皆禮器飾也考工記曰青與赤謂之文赤與

白謂之章白與黑謂之黼黑與青謂之黻皆禮服飾也嗣繼也夫禮為可傳也為可繼也

其順之然後言其

喪葬備其鼎俎設其豕腊脩其宗廟歲時以敬祭祀以序宗族

補順之民皆順從也鼎所以烹俎所以載腊乾獸也禮祭以孟

月薦以仲月祭于宗室既祭宗子燕族人于堂宗婦燕族人于

房序之以昭穆○葬小戴記作則安其居處醜其衣服卑其宮

算宋本亦同从大典及元本改

室車不雕幾器不刻鏤食不貳味以與民同利昔之君子之行

禮者如此補鄭君曰醜類也幾附纏之也廣森謂附纏者飾為

沂鄂若五粲梁榘約軹錯衡○小戴記則作即處作

節幾公曰今之君子胡莫之行也孔子曰今之君子好色無厭

音祈淫德不倦荒怠敖慢固民是盡補固錮也言窮盡民力○忤其

色小戴記作實敖音傲

眾以伐有道求得當欲不以其所古之用民者由前今之用民

者由後今之君子莫為禮也補鄭君曰當猶稱也所循道也由

前用上所言由後用下所言○小

戴記忤作孔子侍坐於哀公哀公曰敢問人道誰為大孔子愀

午古作昔然作色而對曰君及此言也百姓之德也固臣敢無辭而對人

道政為大補鄭君曰作猶變也德猶福也庶哉謂固猶故也無辭而對言不辭讓而徑對○君下小戴記有之字

公曰敢問何謂為政孔子對曰政者正也君為正則百姓從政

矣君之所為百姓之所從也君所不為百姓何從公曰敢問為

政如之何孔子對曰夫婦別父子親君臣義○義小戴記作嚴宋本亦同从大典

改三者正則庶民從之矣○民小戴記作物公曰寡人雖無似也願聞

所以行三言之道可得而聞乎補鄭君曰無似猶言不肖○小戴記無而字孔子對

曰古之為政愛人為大所以治愛人禮為大所以治禮敬為大

敬之至也大昏為大補鄭君曰大昏國君娶禮也○也小戴記作矣大昏至矣大昏既

至冕而親迎親之也親之也者親之也是故君子與敬為親舍

敬是遺親也弗愛不親弗敬不正愛與敬其政之本與補輔廣曰冕而

親迎躬親之也躬親之者所以致其親愛之意也彼以褻為親者未要其終也唯敬以為親則愛得其正公曰寡人